

ANA ITERANIBA TE BETEBEKE

RONGORONGO MAN TE KAIRIIRI N TE AONO

Tuan te Akimamatam ao Kabwakaan Karea n Angananano n Akimamatam

Iroun Unimwaane Meliula M. Fata man te Itingaun

Tuan te aki mamamatam e a kaman karaoaki mai i moan te tai. Aomata aika Itiaki a aki toki n aki mamamatam n taainako ni buokiia ni kaniia nakon te Atua ao n taromauria. N tain te Nu Tetemani, Iesu e aki mamamatam inanon 40 te ngaina ao 40 te bong ni kautauraioa ibukin Ana mwakuri. (Mataio 4:1–4) E reireiniia Ana reirei ibukin te mwaaka ao kakaawakin te aki mamamatam. Te tua aio nakon te aki mamamatam e reitinako inanon ara bong.

Tain ana mwakuri te Tia Kamaiu iaon te Aba, e kawaria te rooia ao n titirakinna, “Tera te tua ae te kabanea ni korakora? E kaeka Iesu: Ko na tangira Iehova ae Atuam n nanom ni kabanea, ao tamneim ni kabanea, ao wanawanam ni kabanea. Te moa n te tua aei, ao e korakora. Ao ai aron naba are te kauoua, are e kangai, Ko na tangira raom n ai aron tangiram i bon i roum. E bane te Tua ma aia taea burabeti nako n tauraki iaan tuua aika uoua aikai.” Ana kaeka te Tia Kamaiu nakon te rooia e katauraoa aana bukin tera ti na kawakina tuan te aki mamamatam.

Tararuakiia raarikin ao kainnano bon teuana mai buakon taben te Ekareti aika aua aika rineaki man tabu are e buokiia aomata ao utu ni katauaia ibukin te karietaaki. Bon teuana aron te kamaiuaki n te rabwata ao te tamnei. “Oin kakaewenakoara

bon te reireiniia ara aomata bwa a na kawakina tuan te aki mamamatam ni koaua, ao ni kaoia bwa a na katabua aia aki mamamatam man karoan te anga ae tauraoi mai nanoia. . . . Ngkana aomata aika itiaki a na karoao aio, a na korakora kakabwaiakiia ao e na tau mwaitin te mwane ni buokiia rarikin ao kainnano” [Beretitenti James E. Faust].

Kakabwaiia man riki n ongotaeka nakon tuan te aki mamamatam:

- Kaanim nakon te Uea
- Rikiraken korakoran te tamnei
- Maiuraoi te rabwata
- Te nanoanga ae korakora riki
- Te nano ae korakora riki n ibuobuki (Aeniboki 2, 6.1.2.)
- Ni kabwarai ana kabaebae te buakaka
- Ni kabwara kabaean te amo
- Kanakoia akana karawawataki bwa a na inaomata
- Urui ni kabane aamo
- E na kai rikirake maium
- E na rimoam am raoiroi
- Mimitongin te Uea kaniwangam
- Ngkana ko tang ni wewete, te Uea e na kangai “Bon aei Ngai”
- E na kairiko Iehova n te bong ae koraki (Itaia 58:6–11)

Teuana te kabanea n reirei are te Uea e a tia n anganii kaain te

Unimwaane
Meliula M. Fata



Ekareti are bon iai te mwiokoaki ao te katabeaki ibukin buokaia rarikin ao kainnano. Te Uea ae Beniamina e taku; “Ao ngkai, ibukin bwaai ake I a tia n taekin nakoimi—are, ibukin kateimatoan kamaunaan ami bure man te bong teuana nakon te bong teuana, bwa e aonga n nakonako ma te itiaki imatan te Atua—I tangiringkami bwa kam na anganako ami bwai nakoia aika kainnano, aomata ni kabane n aron are iai irouia, n aron kamwaraeia aika a baki, kakunniakaiakiia aika akea karabaaia, kawaraia aoraki ao buokakiia ni kainnanoia, n tamnei ao n rabwata, n aron are a tangiria.” (Motiaeia 4:26)


“Bwa te aba e aonrake, ao e bon tau ao ni kawakinaki; eng, I katauraoi ni kabane bwaai, ao n tia n anganii natia aomata bwa taan kawakinii i bon irouia. Ai ngaia are, ngkana iai te aomata ae e na anai ake I a tia ni karoai, ao n aki anga ana bwai, n aron tuan au euangkerio, nakoia rarikin ao kainnano, e na bon, ma aomata aika buakaka, tabeka matana inanon moone n te maraki.” (D&C 104:17–18)

Te Uea e a tia ni katea tuan te aki mamamatam ao te angakarea n aki mamamatam ni kakabwaiia ana aomata ao ni katauraoa te kawai ibukiia ni karoao te mwakuri n ibuobuki nakoia ake a kainnanoia. (Itaia 58:6–12; Maraki 3:8–12) Ngkana membwa aki

mamatam, a tuangaki bwa a na angan te Ekaretia angakarea n aki mamamatam n aki kee iaan boon te amwarake are a na kanna. Ngkana e kona, a na riai n akoi ao n anga ae bat i riki. Teuana te bong n Taabati ni katoa namwakaina e kaokoroaki ibukin te kantaninga n te aki mamamatam. Kaain te Ekaretia a aki amwarake ao ni mooi ibukin kanaia ae uatai te tai n reitia inanon te maan ae 24-te aoa ao n anga te mwane are e na riai n tia ni kabaneaki ibukin te amwarake anne nakon te Bitiobi ni boutokaia te koraki ake a kainnano.

Te aki mamamatam bon te tua mai iroun te Uea are ti riai ni karinanoira imatan te Uea man tauraoi nanora n aki amwarake ao ni mooi. (D&C 88:76) Tuan te aki mamamatam, ao kabwakaan te angakarea n aki mamamatam ae akoi bon reirein te euangkerio ae kakaawaki ao te bwai ae kakaawaki n te babaire ni kamaiu ae akea tokina. Imwaain rokona ni karaoa ana mwa-kuri iaon te aba, Iehova e katanoata, "Bwa ane a na aki mamauna akana akea aia bwai mai iaon te aba; ma ngaia ae I tuangko, ni kangai, Ko na bon kaurea baim nakon tarim, ma ake a kai nanoia, ma ake akea aia bwai, i abam." (Tua Kaua. 15:11)

Titita Arieta Lameko bon te tia rairaki nakon te Ekaretia i Samoa. E bwabetitoaki n 1983 imwiin marena ma te membwa n te Ekaretia ae e aki kakaonimaki. E bon rang n kainnano ao ni maeka n te aro ae nanorinano. Ngke e bon moan bwabetitoaki, e a weteaki bwa te tia reirei n aia Bootaki Aine ike e a reiakina taekan te aki mamamatam, te angakarea n aki



*Te Uea ae Beniamina e taku; "Ao ngkai, ibukin bwaai
ake I a tia n taekin nakoimi . . . I tangiringkami bwa
kam na anganako ami bwai nakoia aika kainnano . . ."*

mamatam ao te kabwianibwai. Arieta e na kabwaka ana kabwianibwai ma tiaki angakarea n aki mamamatam. Ngke e reitinako n reireinna teutana imwiin teutana ibukin te angakarea n aki mamamatam, e moanna ni kabwaka tabeua te tianti nakon ana anganano n aki mamamatam. Rakan riki otana n te anganano n aki mamamatam ao ana kantaninga, e a raka riki mwaitin ana anganano ni katoa namwakaina. E kakaoua Titita Lameko bwa ana koaua iaon te kabwianibwai te anganano n aki mamamatam e a tia ni karokoi kakabwaia nakoina ao ana utu. E a bon tei iaon waena ngkai ao ni boutokaia tabeman mitinare man ana anganano

nakoia mitinare n te uuote. Iai ana titoa, e kammwakuri uowaa bwaati, ao te auti n irua ni boutoka ana utu. Ngkai e a iangoia i bon irouna bwa te aomata ae e a bon kona ni kamaiua i bon irouna ao n tei iaon waena. Buuna te mwaane e mate tabeua te ririki n nako imwaain ae kakaauai tabeua kakabwaia are e kakaaua bwa bon mwiin kabaeananakon maiuakinan tuan te aki mamamatam ao te anganano.

Ti kona n aki mamamatam ibukin kantaninga aika bat. Inano bon tabeua bukina aika kakaokoro are e na buokiira ni karaoi ara aki mamamatam n nano riki nanoia.

N tokanikai iaon mamaara

Ti kona n tokanikai iaon mamaara ke ni kakaaai katokan ara kangaanga man te aki mamamatam ao te tataro. Ngkana ti aki mamamatam ti butia mwaakan Karawa ni kakorakoraira ni kaitara kanoan ana kainikatebe teuare e buakaka. Unimwaane Joseph B. Wirthlin e reirei: "N akean te tataro, te aki mamamatam e aki bwanin; bon tii te bora ni baki. Ngkana ti tangira ara aki mamamatam n raka riki nakon are tii te aki amwarake, ti riai n tabeka nanora, ara iango, ao bwanaara inanon reitakira ma Tamara are i Karawa. Te aki mamamatam, n raonaki ma te tataro ae korakora, e bon mwaaka. E kona ni kaonrakea ara iango ma ana kaotioti te Tamnei. E kona ni kakorakoraira ni kaitara te kariiri" (Joseph B. Wirthlin, "Tuan te/Aki mamamatam," *Ensign*, Meei 2001, Maungatabu ni Kabuta).

Aoraki ao ake a rootaki

Ti kona n tangiria n aki mamamatam ao n tataro ibukin te buoka ao te kai-riiri ibukiia tabeman, n aron kaain te utu ae aoraki ao e kainnanoa te kakabwaia. Imwiin orean Aramwa te ataei bwa e na aki taetae iroun te Anera e aki kona n taetae ke ni kammwakuri. Ana karo e bootia ibonga ibukin te kantaninga n aki mamamatam.

"Ao e tua bwa a na bootaki ibonga, ao a moana aia aki mamamatam, ao a tataro nakon te Uea ae Atuaia bwa e na kauka wiin Aramwa, bwa e aonga ni kona n taetae, ao bwa aonga naba ni kaokaki korakoran bwain rabwatana—bwa aonga ni kaukaki mataia aomata n noora ao n ataa raoiroin ao mimitongin

te Atua. Ao e koro bukina bwa imwiin aia aki mamamatam ma aia tataro inanon uoua te ngaina ao te bong, ao a oki korakoran bwain rabwatan Aramwa, ao e teirake ao e a taetae nakoia, n tuangiia bwa a na kukurei"

Karekei kaotioti

Rinanon te aki mamamatam ti kona n ataa koauan bwaai n aron te burabeti Aramwa n ana Boki Moomon. E taku: "I a tia n aki mamamatam ao n tataro inanon bong aika mwaiti bwa I aonga n atai bwaai aikai I bon irou. Ao ngkai I bon atai irou bwa a koaua; bwa te Uea ae te Atua e a tia ni katoi nakoio iroun Tamneina ae Tabu." (Aramwa 5:46) Te aki mamamatam e karika te otabwanin are e kaoa te Tamnei ae Raoiroi bwa e na reireiniira koaua ni karikirakei ara atatai.

Te Raunnano

Te aki mamamatam e kona ni buokiira ni karauna nora n tain te rawawata ao te tangi ni wenei. Imwiin te buaka ae korakora imarenaia Nibwaite ao Remwanaite are e a riki te mate ae mwaiti irouia Nibwaite, te aki mamamatam e a riki bwa kawai n ukoukora ao ni karekeia te raunnano.

"Ao ngkanne bon te tai aio are e a korakora iai te tangi ni wenei ma te bwaebwaeti are e kona n ongo-raeaki ni kabuta te aba, ibuakoia ana aomata Nibwaai ni kabaneia. Eng, tangiia aine ake akea buuia, a tangi ni wenei ibukiia buuia ao kaaro a tangi ni wenei ibukiia natia mwaane, ao te nati te aine ibukin mwaanena, eng, mwanena ibukin te karo; ao

ngaia are te tangi ni wenei e a ongo-raeaki ibuakoia, ngke a tangi ni wenei ibukiia aia koraki ake a tiringaki. Ao ngkanne e bon koaua bwa aio bon te bong ni kananokawaki; eng, te tai ae e aki manikangareaki, te tai are e a mwaiti iai te aki mamamatam ao te tataro. (Aramwa 28:4–6)

Ni kaniko riki nakon te Tama are i Karawa

Te aki mamamatam e kona ni buokiira n riki n nanorinano ao n namakina kaanra riki nakon Tamara are i Karawa.

"Ma e ngae n anne a bon aki toki n aki mamamatam ma n tataro, ao a riki-rake ni matoatoa ma ni matoatoa riki n aia nanorinano, ma n nene riki n onimakinan Kristo, n onrake tamneia n te kimwareirei ma te raunnano, eng, n te aro are a itiaki ma ni katabuani nanoia, ao katabuan nanoia e reke ibukin anganakin te Atua nanoia." (Ereman 3:35)

Titita Kaloline Katieli e bon aki kona n iira te Ekaretia inanon uabwi ma nimaua te ririki ibukina bwa buuna ae tiaki te membwa e ribaia n iira te Ekaretia ma natina. E tuangiia riikan n roko nakon mweengana ni katoa namwakaina n rikoa ana anganano n aki mamamatam ao ana kabwianibwai n angan te Bitiobi. E karaoa aio n akea ana atatai buuna. Imwiina, ataei a moanna n nakon te Ekaretia, ao ngke natina te aine ae te bwi ma wanua ana ririki e weteaki bwa te beretitenti n te Bootaki n Ataeinaine, e bubuti kariaiana iroun tamana ngkana e na kona ni butimwaea

te wewete, ao tamana e rikirake ni miimi. N te Taabati e a kamatoaaki bwa te beretitenti n te Bootaki n Ataeinaine ao e rangi ni kakatonga iroun natina te aine, ao anne are e a riki bwa bitakin maiun te mwaane aio. E bon bwabetitoaki imwiina. Titita Katieli imwiina e kaota ana kokoaua ni mwaakan te aki mamamatam ao te anganano n aki mamamatam. Kaainabana e a tia n raira nanona nakoina ma natina. Aia utu e kabaeaki n te tembora ao uoman natina mwaane imwiina a riki bwa Bitiobi, ao ake nikirana a reitinako ni mwakuri ni kakaonimaki n oin aia aono. Man kawakinan tuan te aki mamamatam,

kabwianibwai ao te anganano n aki mamamatam, te utu ae Katieli a kona ni kaniaki riki nakon te Tama are i Karawa.

Tibwa te Euangkerio

Te aki mamamatam bon te bwai ni mwakuri ae rangi n bongana n buokiira n tibwa te Euangkerio. E bae n iai raoraom are ko tangiria ni kaoa nakon te taromauri ma ko aki koaua bwa ko na kanga ni karaoia. Te aki mamamatam e kona ni katauraoa te kaunga nano ao te ninikoria ni buookiko n ataa te bwai ae ko na taekinna ao ni karaoia. E kona naba ni kamaraua nanoia bwa aonga ni kai butinwaea am kakao.

Ti reiakinaki man aia mwamwanga ni mitinare natin Motiaeae mwaane are n taainako a na rairaki nakon te aki mamamatam ibukin kairaina.

“Ao e koro bukina bwa a mwananga inanon te rereua inanon boong aika mwaiti, ao e korakora aia aki mamamatam ma aia tataro bwa te Uea e na anganiiia tamneina bwa e na iriia, man tiku irarikiia, bwa aonga n riki bwa bwaai ni mwakuri inanon bain te Atua bwa a na kairia, ngkana e kona, tariia, aika Reimwanaite nakon ataakin te koaua, nakon ataakin buakakan kateia aia bakatibu, ake a bon aki eti.” (Aramwa 17:9)

Te burabeti Aramwa e reireiniia



Ko na tangira lehova ae Atuam n nanom ni kabanea, ao tamneim ni kabanea, ao wanawanam ni kabanea. Te moa n te tua aei, ao e korakora. Ao ai aron naba are te kauoua, are e kangai, Ko na tangira raom n ai aron tangiram i bon i roum. E bane te Tua ma aia taeka burabeti nako n tauraki iaan tuua aika uoua aikai.



aomata aika itiaki i Taraemera n aki mamamatam ibukiia ake tiaki kaain te ekaretia.

“Ma e ngae n anne ao natin te Atua a anganaki te tua bwa a na riai n ikoikotia angin te tai, n reitaki n te aki mamamatam ao te tataro ae korakora ibukin mweraoin tamneia ake aki ataa te Atua.” (Aramwa 6:6)

Ana Mwakuri te Bitiobi

Beretitenti Thomas S. Monson e reirei; “Ti riai n aki tarariaoa kakawakin tabeia kaain te Nakoanibonga ae te Aaron n tararuakia aika akea aia bwai ao a kainnano. Te Bitiobi, ngkai te beretitenti n te Nakoanibonga ae te Aaron, e tauii kiing ni kairii mwakuri n te warebea inanon te uoote. Bitiobi ake a barongai aia kooram n te Nakoanibonga ae te Aaron ni karaoi rikoan anganano n aki mamamatam a na kunea te tokanikai ae batu n te mwioko ae tabu aio.” (Beretitenti Thomas S. Monson; Aia Boowi Bitiobiriki n Tararua, Beberuare. 28, 2014)

“Ana aobiti te bitiobi bon tabena tararuan bwain te rabwata.” (D&C 107:68) “Te mwaaka ao te kariaiakaki n te Nakoanibonga ae te Aaron bon nakon . . . tararuan taian otenanti ake a nako. . . .” (D&C 107:20) “Ao bwa mwaitira are ko anga nakon te aomata ae akea ana bwai, ko bon karaoia naba nakoui; ao a na kaweneaki imatan te Bitiobi n au Ekaretia. . . .” (D&C 42:31)

Ngke I mwakuri bwa te Bitiobi i Auckland, New Zealand I reiakinna bwa kakaawakira reiakinaia ara membwa bwa a na aki mamamatam ao ni



Beretitenti Thomas S. Monson e reirei; “. . . Te Bitiobi, ngkai te beretitenti n te Nakoanibonga ae te Aaron, e tauii kiing ni kairii mwakuri n te warebea inanon te uoote.”

kabwaka aia anganano n te aki mamamatam ae bon tau. Ti kaoia kaain ara kauntira ni uoote ao kurubu n ibonga aika rietaata bwa a na anga are a kona ni boutokaia utu n ara uoote ake kainnana te ibuobuoki. Ngaiia n tatabemaniia a na anga n aki taraia, ibukina bwa a tia n ataa te koaua iaan te angaanga, ao a batu utu inanon ara uoote ake a karekei buoka ake a riai.

“Ao e a manga tua riki Aramwa nakoia kaain te Ekaretia bwa a na tibwauai aia bwai, aomata ni kabane n aron are irouia; bwa ngkana e korakora irouna ao e riai ni kakorakora riki n tibwatibwaia; ao ane e na karako irouna, ao e karako ae kantaningaaki ao ane iai irouna e na aki anganaki.” (Motiae 18:27)

Te Kabanea n Taeka

A batu aika rootaki n te mamaara, tabeman a kai rootaki marurungia, ao tabeman iai natia aika aoraki; ao n aron aikai a aki kainnanoaki bwa a na aki mamamatam. Kaaro a riai n aki tuangia natia aika uarereke bwa a na aki mamamatam.” (Gospel Doctrine, p. 244)

E bon kakaawaki bwa ti na taua ana taeka n reirei te Uea are Benamina:

“Ao taraia bwa a na karaoi bwaai aikai ni kabane n te wanawana ao n te tangira; bwa e aki katauaki bwa e na kabirimwaaka riki te aomata nakon are riaon korakorana. Ao riki, e riai bwa e na botumwaaka, bwa e aonga ni kona n reke irouna te kaniwanga; ma ngaiia are a riai ni karaoaki bwaai ni kabane n aroia.” ■

Katanoataan te Nakoa ni Kairiiri ae Boou irouia Aomata aika Itiaki ni Boong aika Kaitira i Kiribati

Man te Ruu ni Kareke rongorongo n te Moomon

Tarawa, Kiribati:

Unimwaane S. Gifford Nielsen man te Aono n te Beretitentii n te Betebike n ana Ekaretia Iesu Kristo ibukiia aika Itiaki ni Boong aika Kaitira e katanoata te bitaki n te nakoa ni kairiiri n te Ekaretia n te Tarawa Kiribati East Stake ni moan te namwakaina aio.

Te beretitenti n te titeiki ae boou bon Sam Maunga. E onea mwiin Beretitenti Tamaroa Tekeiaki.

Unimwaane Nielsen e bon iraki n ana mwananga nako Kiribati iroun te

Itingaun n te Aono n te Betebike, ae Unimwaane Adolf Johansson.

“Bon te karineaki ae koaua ni kabanea te wikente ma te kurubu n Aomata aika Itiaki ni Boong aika Kaitira ake a tangira Iesu Kristo ao n ataia bwa te Tia Kamaiu n te aonaaba,” e taku Unimwaane Nielsen.

“Te umantabu e onrake ni katoaa ara tetere n te maungatabu. Bon iai raoi te namakin ae e onoti ma aomata aikai aika bane nanoia, akoi ao n nanorinano. Bon te bwai teuana ae ti na

aki mwanninga Ngai ma Unimwaane Johansson!”

Unimwaane Nielsen ao Johansson a kaitibo naba ma kaain te tautaeka ni maroroakina aron ao ana mwakuri te Ekaretia i Kiribati, n ikotaki ma ana kekeiaki te botanaomata ao buokaia aomata. E kaania 17,000 man te 100,000 aomata i Kiribati—ke temanna inanon onoman—ae bon Aomata aika Itiaki ni Boong aika Kaitira. Te Ekaretia iai 26 ana bootaki n taromauri rinanon te aba. ■



TAMNEI MAN ANA ANGANANO TE BWABIRIKI ABEEATI

Unimwaane S. Gifford Nielsen (rinan mai ibuki, nuuka) ao Unimwaane Adolf Johansson (te kabane man te maing) ma membwa ao ana irua ana Ekaretia Iesu Kristo ibukia aika Itiaki ni Boong aika Kaitira i Kiribati, Tianuare 2015.

Korakoran Kanoan Boong e Rootia Kaain Kiribati

Man te Ru ni Kareke Rongorongo n te Moomon

Tarawa, Kiribati:

Ataein te reirei ao Taan reirei man ana reirei ana Ekaretia Iesu Kristo Ibukiia aika Itiaki ni Boong aika Kaitira ae te Moroni High School i Tarawa, Kiribati ake a maeka iaon te atimwakoro ae kaan ae Betio a kaungaaki n oki nakon mweengaia ni moan te ririki aio ibukin tenibong are e rangi ni korakora ana mwakuri kanoan te bong are e a karika te kaangaanga n te mwamwananga.

N aron are e taku te Manatia n te Service Centre ibukiia aika Itiaki ni Boong aika Kaitira i Kiribati, ae Iotua Tune, te Nippon Causeway—are e a katomaa Tarawa ao Betio—e na kainaki iroun te tautaeka ibukin te uruaki ae korakora ae riki man taari ae buaka ao te ang ae korakora ao rikiraken kaangaanga te mwamwananga n te kaa.


“Bubua mweenga aika a tia n uruaki man taian nao,” e taku Tune. “Aron

te kawai a rangi ni buakaka n te tai aio ao bao ni mwamwananga ibukin te botanaomata a tia ni kauarerekeaki.”

Taan kairiiri irouwia Aomata aika

Itiaki ni Boong aika Kaitira a reitinako n taraa te bwai ae riki ao ni bairea kainnanoia utu ao te botanaomata bwa e aonga ni kona ni karaoaki boutoka. ■

Nippon Causeway e katomai abamwakoro aika Tarawa ma Betio i Kiribati. Te tamnei aio, e raweaki n te 11 Maati 2015, e kaota aron te buti man korakoran kanoan te bong inanon tenibong. Te tamnei mai iroun: lotua Tune.



Aomata aika Itiaki ni Boong aika Kaitira a Kanakoa 2,000 Bwaoki n Amwarake nako Vanuatu

Man te Ruu ni kareke rongorongo n te Moomon

Auckland, New Zealand:

Membwa n ana Ekaretia Iesu Kristo ibukiia aika Itiaki ni Boong aika Kaitira i Auckland, New Zealand a bwaokini ao ni kanakoi 2,000

bwaoki n amwarake nako Port Vila, i Vanuatu.

Te buoka e tibwatibwaaki nakoia aomata n aban te Betebike are a uruakaki n te ang ae korakora.

N tatabeua bwaoki nako kanoaia: te burawa; te raiti; uanikai ake a mena inanon te tiin, te biin, irikon te kao ao te ika; bwerena; te kureebe ae kamwauaki; te nuuto; te



Beretitenti n Aonon te Betebeke
*Unimwaane Kevin W. Pearson ao te
 tia rabakau n te Church Materials
 Management, Grant Stone, ma teu-
 ana te bwaoki man te 2,000 bwaoki
 n amwarake ake a karaoaki ao ni
 kanakoaki nako Vanuatu imwiin te
 angibuaka. Te amwarake bon ibukiia
 kaain Vanuatu ake a oki marurungiia
 mai mwiin ana urubwai te Cyclone
 Pam. n 20 Maati 2015.*

tiaokureti miriki bwauta; ao bwai ni kaukan taian tiin. Taian kaonteina a kona naba ni kamanenaaki ibukin bwaai riki tabeua n aron uotakin te ran.

Taian bwaoki a karaoaki kanoaia irouia taan anganano man te "Mormon Helping Hands" mai irouia Aomata aika Itiaki ni Boong aika Kaitira i Auckland New Zealand Mt Roskill Titeiki.

Te Ekaretia e kaotinakoa te Air New Zealand Airbus A320 ni uotii 600 bwaoki n te tai ae waekoa imwiin ana urubwai te ang ae korakora. Nikiran bwaoki a kanakoaki ni wanikiba aika karekemwane ao man kaibuke. 570 te umwanrianna ae kaka onoman kaaina aika a kanakoaki naba n te kaibuke ni 28 Maati.

Bwaai aika a kanakoaki kanoana

bon taian naaibi aika bubura man rawawata, aama ao neeran te kaabwa a kabooaki man te Ekaretia i Vanuatu ni buokiia aomata ngkana a manga katei mweengaia. 1,000 kaonteina n ran aika a kona ni manga kanoaaki ma bwai n raumea ae kaitiaka te ran a kanakoaki nako Vanuatu man atuu te Ekaretia i Salt Lake City.

N ikotaki ma aikai, taan kairiiri irouia Aomata aika Itiaki i Port Vila a kabooi 5,000 kite n tararuai maiua ake a na tibwaaki nakoia kaain Vanuatu. Teuana te kite kanoana te toobu n irewi, te burati n irewi, toobu ao bwaai riki tabeua ibukin marurungin rabwataia.

Te Ekaretia e kabooa naba ao n tibwai koraa, bwa aonga utu ni manga unikii aroka ni mweengaia. A bati aomata i Vanuatu ake a onimakin

bwaai ake a bon kabwebwerakeii bon irouia ibukin te amwarake ao aia mwane.

Kabooan ao tibwaakin amwarake ao bwaai n ibuobuoki riki tabeua a kona ni karaoaki man aia anganano Aomata aika Itiaki ni Boong aika Kaitira ao tabeman ni katobibia te aonaaba.

Te Beretitenti n te Aono n te Betebeke n te Ekaretia, Unimwaane Kevin W. Pearson, e taku, "Ti tangiria tarira ma mwanera i Vanuatu ao te kantaninga ni buokiia rinanon te tai ni kakaewenako aio."

"Ti kakaaitau ibukiia taan anganano man ara Ekaretia ao tabeman man te tautaeka, te botanaomata ao kurubu ni bitiniti are ti mwakuri ma ngaiia ngkai ti boutokaia kaain Vanuatu." ■